

Stadu di Massachusetts

DIPARTAMENTU DI SIRVISUS PÚBLIKU

AVIZU DI APRIZENTASON DI DUKUMENTU, AUDIÉNSIA PÚBLIKU Y PIDIDU DI KUMENTÁRIU

D.P.U. 25-81

6 di agostu di 2025

Pitison di NSTAR Electric Company, konxedu kumersialmenti komu Eversource Energy, pa aprovason di Dipartamentu di Sirvisus Públíku, di prupósta di Prujétu di Inivistimentu di Kapital ki Inpreza sa ta faze na New Bedford, di akordu ku Programa Pruvizóriu stabelesedu pa Dipartamentu na Programa Pruvizóriu di Planiamentu di Sistéma, D.P.U. 20-75-B (2021).

Na dia 30 di junhu di 2025, NSTAR Electric Company, konxedu kumersialmenti komu Eversource Energy ((“NSTAR Electric” ô “Inpreza”), aprizenta un prupósta di prujétu di invistimentu di kapital (“CIP”) pa avaliason y aprovason di Dipartamentu di Sirvisus Públíku (Dipartamentu). Dipartamentu rijista es asunto komu D.P.U. 25-81.

Na Programa Pruvizóriu di Planiamentu di Sistéma, D.P.U. 20-75-B (2021), Dipartamentu stabelese un nóvu strutura pa planiamentu y finansiamentu di midjoramentus na sistéma di iletridadadi (“EPS”) di un inpreza di distribuison di iletridadadi (“EDC”) rilasionadu ku interligason di un sentral di jerason distribuídu (“DG”), sima un parki solar (“Programa Pruvizóriu”). Dipartamentu stabelese un nóvu métudu di distribuison di kustu déntu di Programa Pruvizóriu, undi ki kustus di midjoramentu di EPS (CIP) ta ser divididu entri kes sentral interligadu di DG y tudu kontribuinti di EDC. Inisialmenti, kontribuintis ta paga kustus di CIP através di un kobransa mensal na ses fatura di iletridadadi. Dipos, kada sentral di DG ki konsigi interliga pur kauza di midjoramentu na EPS, ta paga un párti propursional di kustus di CIP. Kustus ki kobradu di kes sentral di DG, ta ben divolvedu pa kontribuintis através di kréditu na ses fatura di iletridadadi, através di un mekanismu di rikonsiliason. Rikizitus di Programa Pruvizóriu, inkluidu distribuison di kustus, ta diskutidu na Órdi di Dipartamentu ki stabelese programa, D.P.U. 20-75-B. Programa Pruvizóriu ten objetivu di prumove dizenvolvimentu y interligason atenpadu (na óra) y ikunómiku di kes sentral di DG. Através di nos Órdi ki ta aprova Planus di Mudernizason di Setor Ilétriku di EDC, Dipartamentu prulonga Programa Pruvizóriu, pirmitindu pa EDCs rijista kualker CIP prupostu na futuru ti ki dja sta stabelesedu un Prusésu di Planiamentu di Sistéma di Longu-

Prazu, ô konfórmi orientason di Dipartamentu. Planus di Mudernizason di Setor Ilétriku, D.P.U. 24-10/D.P.U. 24-11/D.P.U. 24-12, na 343 (2024).

Li, prupósta di CIP di NSTAR Electric foi kriadu pa faze modifikasons na EPS, pa pirmiti pa kes sentral di DG interliga na New Bedford, Freetown, and East Freetown, Massachusetts. Midjoramentus di EPS y ária afetadu ta diskutidu na Studu di Grupu di New Bedford, integradu na konpunenti di Painei di New Bedford di prusésu di Inpreza. NSTAR Electric ta prujeta ma kustu total di distribuison pa faze modifikasons di sistéma déntu di prupósta di CIP, ta ben ser serka di \$71 milion y ma CIPs ta ben pirmiti 59 megawatts (“MW”) di DG. Di kel kustu total, NSTAR Electric ta sujiri pa kes sentral di DG paga \$32,7 milion (46 perséntu) através di un taxa di CIP di \$551/kilowatt (“kW”), y pa kontribuintis paga kel otu párti, ki é serka di \$38,2 milion (54 perséntu). NSTAR Electric ta sujiri un piríudu di 20 anu pa rikupera kes kustu ki kontribuintis paga. Si Dipartamentu aprova CIP di New Bedford, ta ben ten un auméntu di tarifas di iletrisidadi na teritóriu di sirvisu di NSTAR Electric. Stimativa di inpreza é ma inpaktus médiu na fatura mensal ta ben vâria entri klasis di tarifas duranti piríudu di rikuperason di 20 anu ki foi prupostu, variandu entri 0,00 y 0,3 perséntu. Duranti priméru anu, un klienti rizidendial (R-1) normal ki ta utiliza un média di 530 kilowatt-óra (“kWh”) pa mês, ta ten un auméntu na fatura mensal di \$0,12 ô 0,1 perséntu. Duranti priméru anu, un klienti rizidendial normal di rendimentu baxu (R-2) na ária di sirvisu di zóna Ésti di Massachusetts, ki ta utiliza un média di 475 kWh pa mês, ta ten un auméntu na fatura mensal di \$0,06 ô 0,1 perséntu. Duranti priméru anu, un klienti rizidendial normal (R-2) na ária di sirvisu di zóna Oésti di Massachusetts, ki ta utiliza un média di 585 kWh pa mês, ta ten un auméntu na fatura mensal di \$0,08 ô 0,1 perséntu.

Aléndisu, es prusésu ten a ver ku midjoramentu di infrastruturas ki, si for aprovalu, ta ser konstruídu na ô pértu di populasons di justisa anbiental. Justisa anbiental é un prioridadi pa Dipartamentu, y el ta ben ser un konsiderason isensial au longu di nos invistigason. Nu ta insentiva kualker párti interesadu a faze kumentáriu sobri módi ki es prusésu pode afeta un populason di justisa anbiental, si el for aprovalu.

Dipartamentu ta ben rializa un audiénsia públiku virtual pa resebe kumentáriu sobri prusésu di Inpreza. Dipartamentu pode rializa un konferénsia di prusidimentu lógu dipos di audiénsia públiku. Dipartamentu ta ben rializa kel audiénsia através di vídiukonferénsia Zoom na dia **kuarta-fera, dia 10 di siténbru di 2025, apartir di 3:00 di tardi**. Partisipantis pode partisipa através di *link*, [<https://us06web.zoom.us/j/85441402397>], nun konputador, *smartphone*, ô *tablet*. Ka meste faze *download* di *software*. Pa asésu a audiénsias sô através di áudiu, partisipantis pode txoma pa **301-715-8592 (xamada é ka di grasa)** y dipos poi **ID**

di Riunion# 854 4140 2397. Si bu sta pensa na faze kumentáriu na Zoom duranti audiénsia públiku, manda un email antis di **kuarta-fera, 3 di siténbru di 2025**, pa annemarie.Belle@mass.gov, kristen.lommele@mass.gov, katherine.e.stock@mass.gov ku bu nómi, inderésu di email, y inderésu postal. Si bu sta pensa na faze kumentáriu pa telefóni, dexe un mensaji di vós ti **kuarta-fera, 3 di siténbru di 2025**, na 617-305-3702, ku bu nómi, númeru di telefóni, y inderésu postal.

Kualker algen ki sta interesadu na faze kumentáriu sobri es asunto, pode manda kumentáriu skritu, más tardar ti final di oráriu normal di spidienti (5:00 di tardi) di **kuarta-fera, 3 di siténbru di 2025**. Manda kumentáriu skritu di públiku pa email: dpu.efiling@mass.gov, annemarie.Belle@mass.gov, kristen.lommele@mass.gov, katherine.e.stock@mass.gov y pa adivogadus di Inpreza, John K. Habib, jhabib@keeganwerlin.com, Michael Hershberg, mhershberg@keeganwerlin.com, y Ashley Marton, amarton@keeganwerlin.com. É inportanti sabe ma, pa un kiston di transparénsia, kualker kumentáriu ta ser publikadu na nos *website* sima nu resebe-l, sén ilimina informason pesual, sima inderésu, númeru di telefóni ô inderésu di email. Purisu, pensa na ki informason ki bu kre inklui na óra ki bu ta faze kumentáriu. Dipartamentu ta insentiva públiku pa manda kumentáriu pa email. Nu entantu, si un ménbru di públiku ka ta konsigi manda kumentáriu skritu pa email, el pode manda un kópia en papel, pa Mark D. Marini, Secretary, Department of Public Utilities, One South Station, Boston, Massachusetts, 02110.

Kualker algen ki kre partisipa di otu manera na fázi probatóriu d'es prusésu, debe aprizenta un pitison di autorizason pa interve más tardar ti 5:00 di tardi di dia **kuarta-fera, 3 di siténbru di 2025**. Un pitison di autorizason pa interve ten ki satisfaze rikizitus substantivu y di témpu, di 220 CMR 1.03. Resebimentu pa párti di Dipartamentu ta konstitui un aprizentason y ta ditirmina si un pitison foi aprizentadu na óra. Un pitison ki aprizentadu tardi, pode ser rijeitadu, anonser ki demonstradu un bon kauza pa rinúnsia di akordu ku 220 CMR 1.01(4). Pa ser pirmitidu, un pitison di akordu ku 220 CMR 1.03(1, ten ki satisfaze rikizitus di lejitimidadi di G.L. c. 30A, § 10. Tudu rispósta a pitison di intervension ten ki ser aprizentadu antis di final di oráriu normal di spidienti (5:00 di tardi) na segundu dia útil dipos ki kel pitison di intervension foi aprizentadu.

Prokuradora-Jeral di Stadu di Massachusetts (“Prokuradora-Jeral”) aprizenta un notifikason pa interve n'es asunto, di akordu ku G.L. c. 12, § 11E(a). Aléndisu, di akordu ku G.L. c. 12, § 11E(b), Prokuradora-Jeral aprizenta un notifikason di intenson di kontrata spesialistas y konsultoris pa djuda se invistigason di prusésu di Inpreza, y el pidi aprovason di Dipartamentu pa gasta ti \$150.000 n'es sentidu. Di akordu ku G.L. c. 12, § 11E(b), kustus ki Prokuradora-Jeral paga pa kontrata spesialistas y konsultoris, pode ser rikuperadu

na taxas di Inpreza. Kualker algen ki kre faze kumentáriu sobri notifikason di intenson di Prokuradora-Jeral di kontrata spesialistas y konsultoris, pode manda kumentáriu skritu pa Dipartamentu, más tardar ti final di oráriu di spidienti (5:00 di tardi) na **kuarta-fera, 3 di siténbru di 2025**.

Tudu dokumentu debe ser enviadu pa Dipartamentu na **formatu .pdf** pa email: dpu.efiling@mass.gov, annemarie.Belle@mass.gov, Kristen.lommele@mass.gov, y katherine.e.stock@mass.gov. Testu di email ten ki spisifika: (1) númeru di prusésu (D.P.U. 25-81); (2) nómi di pesoa ô inpreza ki sa ta aprizenta kel dokumentu; y (3) un título diskritivu kurtu di kel dokumentu. Tududu dokumentu ki foi enviadu na formatu iletróniku, ta ser publikadu na website di Dipartamentu, atravês di nos [Sala di Arkivus](#) online, lógu ki pusível (pa ten asésu a kualker dokumentu ki foi aprizentadu, skrebe “25-81” na linha “Nº di Prusésu”). Aléndisu, un kópia di tududu kumentáriu skritu y pitison di intervension, debe ser mandadu atravês di email pa adivogadus di Inpreza, John Habib, Esq., jhabib@keeganwerlin.com; Michael Hershberg, Esq., mhershberg@keeganwerlin.com; and Ashley Marton, Esq., amarton@keeganwerlin.com.

Prusésu y tududu dokumentu rilasionadu subsekuensi ki mandadu pa Dipartamentu ô ki foi imitidu pa Dipartamentu, ta sta disponível na website di Dipartamentu, sima sta indikadu diriba, lógu ki pusível. Si un pesoa ô entidadi kre manda kumentáriu ô interve di akordu ku es Avizu, el pode manda-l iletrónikamenti, sima sta indikadu diriba. Pa pidi matirial na formatu asesível pa pesoas ku difisiénsia (Braili, létra grandi, fixerus iletróniku, formatu áudiu), kontakta kordenador di ADA di Dipartamentu, pa eeadiversity@mass.gov ô pa (617) 626-1282.

Traduson y interpretason pa es prusésu sta disponível na spanhol, purtugês y kriolu di Aiti. Traduson y interpretason na otus língua sta disponível, si bu pidi. Pa pidi traduson ô interpretason nun língua diferenti di inglês, kontakta Spesialista na Asisténsia Jurídiku, Kaylee Burgess pa dpu.ej@mass.gov ti **kuarta-fera, 3 di siténbru di 2025**.

Pa más informason sobri prusésu di Inpreza, kontakta adivogadu di Inpresa, ki sta identifikadu diriba. Pa más informason sobri es Avizu, kontakta Annemarie Belle, Katherine Stock, Auditoris, y Kristen Lommele, Asesora Spisial di Pulítika sobri Alterason Klimátiku, Dipartamentu di Sirvisus Públiku, pa annemarie.belle@mass.gov, katherine.e.Stock@mass.gov, y kristen.lommele@mass.gov.

TRANSLATION AND INTERPRETATION SERVICES**English**

ATTENTION: Translation and/or interpretation services are available upon request. Please email Kaylee Burgess at dpu.ej@mass.gov to request language services, specifying your preferred language and contact information.

Português (Portuguese)

ATENÇÃO: Disponibilizamos nossos serviços de tradução e/ou interpretação de acordo com a sua demanda. Para solicitar um serviço linguístico, envie um e-mail para Kaylee Burgess através do endereço dpu.ej@mass.gov, informando o idioma desejado e seus dados para contato.

(Traditional Chinese)

提醒您：您可依照需求申請筆譯和/或口譯服務。請以電郵聯絡Kaylee Burgess (dpu.ej@mass.gov) 來申請語言服務請求，請在電郵內註明需要的語言和聯絡資訊。

Tiếng Việt (Vietnamese)

LƯU Ý: Các dịch vụ biên dịch và/hoặc phiên dịch có sẵn theo yêu cầu. Vui lòng gửi email đến Kaylee Burgess theo địa chỉ dpu.ej@mass.gov để yêu cầu dịch vụ ngôn ngữ, nêu rõ ngôn ngữ ưa thích của quý vị và thông tin liên lạc

Español (Spanish)

ATENCIÓN: Los servicios de traducción y/o interpretación están disponibles bajo solicitud. Por favor envíe un correo electrónico a Kaylee Burgess en dpu.ej@mass.gov para solicitar los servicios de idiomas, especificando su idioma preferido e información de contacto.

中文 (Simplified Chinese)

提醒您：您可依需要申請提供筆譯和/或口譯服務。請發送電子郵件給 Kaylee Burgess (dpu.ej@mass.gov) 來申請語言服務要求，並注明您的首選語言和聯系信息。

Kreyòl Ayisyen (Haitian Creole)

ATANSYON: Gen sèvis tradiksyon ak/oswa entèpretasyon ki disponib sou demann. Tanpri voye imèl bay Kaylee Burgess nan dpu.ej@mass.gov pou mande sèvis lang, ki enfòm lang ou pi pito a ak enfòmasyon kontak ou.

Français (French)

ATTENTION : Des services de traduction et/ou d'interprétation sont disponibles sur demande. Veuillez envoyer un e-mail à Kaylee Burgess à l'adresse dpu.ej@mass.gov pour demander des services linguistiques, en

précisant votre langue préférée et vos coordonnées.

(Arabic)
العربية

يُرجى الانتباه: تتوفر خدمات الترجمة و/أو الترجمة الفورية عند الطلب. لطلب خدمات لغوية يُرجى التواصل مع Kaylee Burgess بإرسال رسالة إلكترونية إلى العنوان dpu.ej@mass.gov، تحدد فيها اللغة المفضلة لديك وتذكر معلومات الاتصال.

Русский (Russian)
ВНИМАНИЕ!


Услуги письменного и/или устного перевода предоставляются по запросу. Для запроса услуг перевода обращайтесь к Kaylee Burgess по адресу dpu.ej@mass.gov. В запросе укажите язык перевода и контактную информацию.

ខ្មែរ (Khmer)

ជូនចំពោះ: សេវាកម្មប្រែក្លាយ
និង/ឬអ្នកបកប្រែផ្ទាល់
គឺមានតាមការស្នើសុំ។ សូមផ្ញើអ៊ីមែលទៅ
Kaylee Burgess តាម dpu.ej@mass.gov
ដើម្បីស្នើសុំសេវាកម្មប្រែក្លាយ
ដោយបញ្ជាក់ភាសាដែលអ្នកចង់បាន
និងព័ត៌មានទំនាក់ទំនង។

한국 (Korean)

주의: 요청 시 번역 및/또는 통역 서비스가
제공됩니다. Kaylee Burgess에게
dpu.ej@mass.gov로 이메일을 보내
선호하는 언어와 연락처 정보를 명시하여
언어 서비스를 요청하십시오.



Stadu di Massachusetts

DIPARTAMENTU DI SIRVISUS PÚBLIKU

ÓRDI DI AVIZU

D.P.U. 25-81

6 di agostu di 2025

Pitison di NSTAR Electric Company, konxedu kumersialmenti komu Eversource Energy, pa aprovason di Dipartamentu di Sirvisus Públiku, di prupósta di Prujétu di Inivistimentu di Kapital ki Inpreza sa ta faze na New Bedford, di akordu ku Prugrama Pruvizóriu stabelesedu pa Dipartamentu na Prugrama Pruvizóriu di Planiamentu di Sistéma, D.P.U. 20-75-B (2021).

NSTAR Electric Company, konxedu kumersialmenti komu Eversource Energy (“Rikirenti”) debe, más tardar ti **kuarta-fera, 13 di agostu di 2025**: (1) distribui iletrónikamenti kel Avizu di Aprizentason di Dukumentu y Audiénsia Públiku (“Avizu”) pa lista di distribuison iletróniku di D.P.U. 25-81, y pa tudu menbru di Studu di Grupu ki foi identifikadu na prusésu; (2) publika Avizu na inglês na The Boston Globe ô na Boston Herald, y Avizus na portugês, spanhol y kriolu di Aiti na jornais apropiadu di kada língua; y (3) intrega un kópia di Avizu na Prizidentis di Kámara, Prizidentis di Konselhus Silesionadu y Skrivons Munisipal di kes sidadi/vila undi ki kes prujétu di invistimentu di kapital foi prupostu; y, sênpri ki pusível, manda-l iletrónikamenti. Dipartamentu ta orienta Rikirenti a kontakta kes munisípiu afetadu, pa ditirmina si ten organizasons lokal ki ta apoia populasons rizidensial di rendimentu baxu y/ô grupus di minorias, y pa manda Avizu y kualker otu informason relevanti ki pididu sobri es prusésu (izénplu: Rizumu na Linguajen Sinplis) pa kes organizason la.

Dipartamentu ta orienta Rikirenti tanbe pa fiksa kel Avizu di manera vizível na prédius munisipal, bibliotékas lokal, y kualker otu lugar ki ta frikuentadu txeu na kes munisípiu sujeitu a es prusésu (izénplu: YMCA). Aléndisu, Rikirenti debe intrega un kópia di kel Avizu na kualker algen ki aprizenta un pididu pa resebe avizu di Rikirenti. Dipartamentu di Sirvisus Públiku (“Dipartamentu”) ta konsidera ma es piríudu y meius di notifikason, é razuável y konsistenti ku interesi públiku. Tanbe, na prazu di três dia útil dipos di resebe kel Avizu, Rikirenti debe publika kel Avizu di manera distakadu, na se *website*, peluménus ti **kuarta-fera, 10 di siténbru di 2025**. Rikirenti debe divolve notifikason pa Dipartamentu, na data di audiénsia públiku.

Pa Órdi di Dipartamentu,

/s/

Mark D. Marini, Sekretáriu